

Գործիքներից՝ երկար կեռ բերաններով փրգփր հայերեն կոչվում էր քէ-
լատու:

Երկաթե ծանր թակիչը՝ թրք. հավան, հայերեն կուփիչ¹²⁴:

Երբ գործում են համեմատաբար մանր իրեր՝ խուրջիմ, մաֆրաշ, ըղաֆակ, արգեն սարքված թելերի վրա նրանք դասավորում են մի քանի հատ, միջիմեջ թողնելով տարածություն՝ դաք:

Գորգագործությունը շատ մանրակրկիտ, մաշիչ և լարված ուշադրություն պահանջող աշխատանք է: Զանգեզուրումն էլ պատմվում է այն ավանդույթու-
նը, որը լսել է Զեղզենիձեն Շուշում՝

«Աստված մարդ ստեղծելիս՝ նաև սովորեցրել է նրան ամեն տեսակ ար-
հեստ, որ նրան անհրաժեշտ է իր գլուխը պահելու համար, սովորեցրել է աման
շինել, փայտ տաշել, պատ քաշել, կար անել, երկաթ հալեցնել... Այս տեսնելով
սատանան էլ կամեցել է մի բան սովորեցնել մարդուն, որ իրան էլ միշտ հի-
շեն, ցույց է տվել իր գործած գորգի գեղեցկությունը, գայթակղեցրել է, տվել
է աօրֆն և սովորեցրել գորգ գործել: Ուրիշ ավելի մաշող արհեստ սատանան
չէր կարող սովորեցնել»:

Գորգագործն էլ խույս է տալիս, ինչպես, օրինակ, իր անասունի կամ տան
անդամների թիվը, իր գործածի ծավալը հայտնելուց: Մինչև աշխատանքն
ավարտելը, հավբարքը չէր ասում: Նա վախենում էր և ծանոթը վծնդը՝ ոտը
ունեցողից և որպեսզի աչքը ճի չի կն՝ չկաչի, նա աօրֆի ետև կամ մի տեղ,
որտեղ մտնողը չէր կարող նկատել, դնում էր ջրի մի կնվաթի՝ գավաթի մեջ
ծն՝ ձու, հավատացած լինելով, որ շար աչքից ծնն պիտի եափի:

Գորգերն ու կարպետները փոփում էին տախտերի վրա, գետնին, ծառա-
յում էին որպես վրանների ծածկ, խմորի տաշտի, լավաշի պաշարի, ծրկա-
տէղի ծածկոց: Ամեն տուն մտնող օտար մարդուն տանտիկինը զարմացնում
էր իր այդ գորգերի ու ծածկոցների նախշերի գեղեցկությամբ: Պատի մի կող-
մը, երկու սյուների և պատի միջև շինված տախտակամածի, ծրկատէղի վրա
բարձրանում էր ներքնակների, վերմակների և բարձերի ծալք՝ ծածկված
գորգով կամ կարպետով, իսկ տախտակամածի տակ նայողի աչքից պահված
էին ամանները, մանր-մունր տանու իրերը: Մի որևէ սյունից կախված էր լի-
նում նախշուն ըղաֆակը, որի մեջ աղը չոր էր մնում տան խոնավությունից:
Զանգեզուրում մշակվել է գորգերի նախշերի տեղական տարբերակը, որը շա-
փազանց մոտ է Ղարաբաղում ոճավորվածին: Գորգերի պես առատ նախշեր
ունի կարպետների մի տեսակը, որը կոչվում է դուվալու:

Զ Ո Ի Լ Է Ա Կ Ո Ի Թ Յ Ո Ի Ն

Զուլհակ բառը Զանգեզուրում հայտնի չէ անշուշտ այն պատճառով, որ
այդ աշխատանքը դեռևս իսկական արհեստ չէր դարձել և դուրս չէր եկել տան
չորս պատերի սահմանից: Նա մնում էր նեղ իմաստով տնայնագործություն և
չէր դարձել հատուկ մասնագիտություն, որի արդյունքովն էր վարպետը գլխա-
վորապես ապրում, արտադրելով ոչ թե տան սպառման, այլ շուկայի համար:
Զուլհակությունն ալստեղ կոչված էր առաջին հերթին և գուցե բացառապես
տան անմիջական պետքերը բավարարելու: Նա մրցման չմտավ գործարանա-

¹²⁴ Տե՛ս անդ: